

贈送結緣

不准賣錢

金剛般若波羅蜜經破空論

禪宗決疑集

合刊

福建莆田廣化寺印

智旭大师造论

金剛般若波羅蜜經破空論

福建莆田广化寺印

福德因缘 施印经书

功德芳名 恕不称呼

1995年3月

1153.0元，全体无名氏

350元：许丽卿

212元：龙海广德堂	200元：姜梅花	吕锦清	丰生荣
舒丽华 黄净海	100元：刘水兰	徐鸿水	洪觉德
李志友 郑桂良	郭智声	陈振华	唐凤妹
周孝孟 郁智敏	郑忠元	无名氏	石晓
73元：林清秀	65元：郑国丰	60元：	顾永梅
赵唯良 章立	陈绍宁	无名氏	黄静
50元：陈琬莹	屈洁梅	屈洁琳	屈兆文
陈桂兰	钱伙翠		
李振明 高德玉	林成森	霍金光	能智
王光辉 潘惠珍	彭维新	魏兑仪	廖丽娜
许舒风 李富声	邓文良	费祥瑜	陈远福
殷玉兰 李剑	任玉洁	张文莉	孙春华
阮殿欣 刘全芳	杨建华	40元：朱如英	谢德吕
高鹏 彭永安	许玉珍	38元：陈佰诚	(郭豫雯
刘爱芳、郭享生共100元)	33元：徐雅声	30元：吴年生	
陈可光 龙清华	曾广令	陈芝玲	廖瑶芳
翁国志 法光	卢化明	刘永平	陈震
潘注秀 释光敏	王凤英	王永铭	25元：王光亚
20元：吉康居士	程来祥	朱景	陈迅
德松 王永存	贾琪成	王厚成	张志明
刘绚 杨海义	张俸山	云珠	唐金华
			唐坚

张立清	孙月琴	齐永胜	游春华	林 霜	陈万和
许锦珍	许惠珍	陈庆伟	吴映莲	周惠珍	许泽彬
吴荣姿	方丽君	余天秀	张 华	韩培华	李国庆
李肖肖	肖 蓉	屠 珊	无 名	王福静	颜宽清
陆寿永	李祖贞	陈加陆	毛富生	陈诗侶	刘宗明
章林宝	陈婧凤	张建华	沈金娥	张宝珍	林秀娥
唐月琴	王 雯	王 岩	邓慧珠	赵淑兰	解果智
翁玉香	释云珠	15元:	廖晓丽	游清华	许 辉
10元:	庞淑珍	胡雅芝	周锦生	王 岩	张昶良
王锦生	张 静	王淑艳	张淑兰	于桂芝	廖玉华
胡殿生	高素珍	吉凤明	任美玲	赵 梅	郑 艳
郑 志	徐 斌	徐天赐	陆洪羽	陆洪容	章 正
任道康	谈存花	李延寿	王翠兰	李宗义	张谛仁
丁秀珍	邱伟华	姜月华	程来祥	仲伟佃	王永光
孙丽丽	林 杰	王 雪	王鸿爪	王文荣	史奕英
李汝顺	范声仑	李宏涛	程来祥	邓 锐	朱玉明
李 净	赵革新	孟祥荣	项仁生	王宝妹	徐震萍
苏贴兰	释通渡	张久良	陈 俊	李 力	张金生
王文荣	徐蕴华	牟文菜	傅顺祥	方 勇	黄哲伟
陈荣彪	陈 彦	刘秀芳	吴荣标	纪丽卿	陈慧明
董文德	林 萍	董 庆	陈赛花	徐楚玉	胥执芳
李 芬	瞿锦文	丁林芳	丁 涛	丁 纪	吴续省
李良木	张淑贤	张树林	张卫国	张卫红	张卫华
胡继祥	胡 炜	胡 珊	邓地秀	9元:	蓝晓龙
8元:	李立波	任改政	李凤英	任小东	任小培共30元
任建政	朱天凤	任 亮	任平平共30元	任强政	吴春焕
任存亮	任娟丽共30元	任永政	沈 忙	任盼亮	任新

亮共30元 任刺梅 陈燕生 陈 峰共20元： 任富政
张平 任杰杰 任宁宁 任齐亮共30元 任月凤 曾银海
曾丽娜 曾 新共20元 5元：王 蓓 唐 玉 唐 军
张君洪 姜 俊 张 泽 陈淑珍 王 敏 赵小满
方成和 方 丹 李宗祥 刘钦梅 徐树言 赵桂侠
4元：刘胜生 黄连清 黄凤华 熊世平 熊 静
1.6元： 王永存

以上共计人民币九千九百七十五元二角正

印送金刚经破空论
禅宗决疑集合刊一万册

福建莆田广化寺佛经流通处

尊敬经书 珍惜物力

“经”是佛陀经过三大阿僧祇劫修习，降魔成道后化度众生所说的真理；祖师的著作是数十年修证的心得；经书是指示昏昧中众生由迷趋觉的明灯，了生脱死的大道。佛在行菩萨道时，为了求半句偈，宁愿舍身供养，经书的珍贵胜过生命，我们应如何的尊敬、弘扬才好。

自从宗教政策落实后，过去毁灭、湮失的经书，逐渐得到补充。虽然印了不少，但远远没有满足一般粗浅需要，更何况精深齐备。我国人口多，信佛教的有一亿多人，印一万册书，一万多人才能看到一本。若要多印，人力、物力、财力、流通等各方面都有一定困难，为了解决书荒，我们呼吁，各地佛教协会和居士林等佛教团体，应该尽快成立比较完整的佛教图书馆，供给当地佛教弟子们学习教理所重要的书刊。弘扬佛法是佛教的中心任务，佛教团体对此事是责无旁贷的。

在一般念诵、阅读、研究的同道家中，都有数十种到一二百种以上经书。这些经书除常用的几种外，大多数一年内难得去翻它一翻，让它闲置着；另一部分要看的人，却到处购不到，我们建议凡是信佛者都有对同道出借经书的义务，农村和城市道友集中的地方，更应互通有无，能办出借阅览点更好。

经书贵在流通，每本经都称赞流通功德。这好比人身上的血液，流通顺畅，百病不生，阻滞不通，精神萎顿。佛经是法宝，应该让它去广度众生，放着让虫蛀、鼠咬、自然腐朽，多可惜呢！对结缘的经书，给初机人看时，借给比送给的效果好，如来还不便，可请他转送其他有信仰的人，或交给佛教团体及佛教徒，物尽其用，辗转流通，使法轮常转，慧命长存，也免毁损失福之过啊。

自序

经云。宁起有见如须弥山。勿起恶取空见如芥子许。盖空见拨无因果。能断五乘善根故也。然般若如大火聚四面皆不可触。触则被烧苟不取著。则温身熟食除冥。以喻四门皆可入道。又何为独破空哉。须知空句破。则四句皆破。破空句。正所以显空门。空门显。四门皆显。菩萨欲具一切佛法。当学般若。般若何止破空相始教而已。且如此经。一则云有持戒修福者於此章句能生信心。再则云应无所住而生其心。应生无所住心。继又云以无我无人无众生无寿者修一切善法即得阿耨多罗三藐三菩提。乃至云发阿耨多罗三藐三菩提心者於法不说断灭相。是岂非实相大乘之正印乎。是为序。

如来证得色平等故。眼不管妍丑之色。能使地狱天官。皆为净土。如来证得声平等故。耳不分毁誉之声。能使天魔恶声化为赞颂。如来证得香平等故。鼻不辨香臭之气。能使幻土厕所室化为香殿。如来证得味平等故。舌不拣甜苦之味。能使食中毒药化成甘露。如来证得触平等

故。身不避涩滑之触。能使魔军刀箭化成天华。如来证得法平等故。意不随假实之法。不为物转。恒能转物。具足无量不可思议神通妙用。

金剛般若波羅蜜經破空論

姚秦三藏法師鳩摩羅什譯經

明菩薩沙弥智旭际明造論

稽首實相三般若

本离四句及百非

满分修证福慧尊

性修慈誓冥加被

为治群盲恶取空

欲申如实不空义

不空遍破众戏论

顺悉檀故名破空

论曰。此归命请加。以申造论立名之旨趣也。稽首者。首至地也。由意笃敬。动身发口。即是三业翹勤供养也。实相者。非有相。非无相。非非有相。非非无相。非有无俱相。离一切相。遍为一切诸法作相。故名实相。此实相者。即是般若波羅蜜体。体自寂照。不可

思议。如理而照。照不异寂。即名观照般若。如理詮寂。寂詮即照。是名文字般若。夫实相者。为观照体为文字体。夫观照者。照於实相。照於文字。夫文字者。詮於实相。詮於观照。此一非一。举一即三。此三非三。言三即一。为令众生顿悟诸法自体性故。但举实相冠三般若。以实相体统诸法故。此之实相。本自非有。亦复非无。非亦有无。非非有无。实相离四句。故观照文字亦离四句。四句即离。百非自绝。以彼百非总不出四句故。此实相三法。不可思议。非修非证。而为一切修证之本。满修证者。谓诸如来称性而修。称性而证。因果理穷无可加故。分修证者。谓诸菩萨全性成修全性作证。如入大海。渐次深故。福名福德。慧名慧行。实相非福。而为一切福德之聚称性缘修。是成性福。实相非慧。而为一切慧行之本。称性真修。是成性慧。依於文字。则有实相之福。福亦实相。具足福慧。作於观照。则有实相之慧。慧亦实相。具足福慧。实相体尊。是故福慧修证。成两足尊。复次。实相非福慧则不名尊。以一切众生皆悉具足实相体故。福慧非

实相。亦不名尊。以一切权小。纵有种种福慧。不成无上大菩提故。由性具义。妙修得成。由妙修义。性德方显。若但举修德不举性德者。则众生与佛。条然隔别。生不能感佛不能应。若但举性德不举修德者。则佛与众生。一味平等。佛非能加。生非所加。今以众生性中诸佛修成之慈誓。加被诸佛性中众生本具之修德。能拔一切戏论苦。能与一切实相乐。性与性冥。修与修冥。性与修冥。修与性冥。性修不二。生佛体同。是故得成加被义也。复次。行人若身。身业。若口。口业。若意。意业。当体即是实相。惟其当体即实相故。则无能礼所礼差别之相。达此能所性非能所。非能所性。遍为一切能所而作依止。无有一能一所而非实相全体大用。是故三业得为能感。诸佛得为所感。诸佛得为能应。行人得为所应。此即归命请加之旨趣也。次申造论立名旨趣者。问曰。从上佛祖经论已足。何须更造此论。答曰。为治群盲恶取空故。一切众生生无慧目。不能得见实相真体。亦复不知观照。不知文字。犹如群盲不见乳色。随语生解。闻鹤谓动。闻雪

谓冷等。闻此经者亦尔。经本破一切用令达实相。而群盲但闻破相。便执非相。取著於空。成恶知见。破坏俗谛。拨无因果。是以佛言。宁起有见如须弥山。莫起空见如芥子许。而彼不知。实相虽复永离一切幻妄之相。体性不空。以其无始以来常恒不变。具足过恒沙等性德之用。盖不惟为种种万行之所庄严。而且万行无非性具无非性起。趣举一行。无非实相。全体大用。无分无剂。互遍互融。体即法界。义如是故。问曰。如是义者。即已遍破一切戏论。所谓若有见戏论。若空见戏论。若亦有亦空见戏论。若非有非空见戏论。单四见戏论。复四见戏论。具足四见戏论。广说乃至一百八见种种见网诸戏论等。无不破尽。何故立名为破空耶。答曰。顺悉檀故。名为破空。悉檀有四。一世界悉檀。为令众生得欢喜故也。二为人悉檀。为令众生生善根故。三对治悉檀。为令众生灭爱见故。四第一义悉檀。为令众生入深理故。今治恶取空见名为破空。即顺对治悉檀义也。复次。於对治中仍具四悉。所谓自有众生闻破空论而生欢喜。复有众生善根增长。爱见

消灭。证入实相。如是种种。为益不同。以是因缘。须造论也。

金刚般若波罗蜜经

体是至宝相不坏

用能破物性常然

以喻般若三非三

通别咸成度无极

论曰。此一经之总题也。以对餘经。则名为别。以对经文。复名为通。若别若通。所詮无二。故曰咸成度无极也。金刚者喻也般若波罗蜜者法也。金中之刚。故名金刚。此宝贵重。以喻实相般若诸法中尊。其相坚固物不能坏。以喻观照般若爱见莫侵。其用猛利能破一切。以喻文字般若能断众疑。复次。实相尊重故。观照文字亦复尊重。观照不坏故。即是实相文字不坏。文字断疑故。即是实相观照断疑。譬如体是至宝。故不为一切所坏。而能破一切也。不为一切所坏。故能破一切而称至宝也。能破一切。故名至宝而物莫能坏也。一体三义。混之愈分。三义一体。派之愈合。实相常住为体。体即法身。观照契理为宗。宗即般若。文字断疑为用。用即解脱。总此三法为

名。借此三义为喻。此之三义。其性常然。诸佛菩萨不能令增。一切众生不能令减。非悟非迷。无彼无此。惟其不属迷悟。故遍为迷悟作依。惟其性无彼此。故依之成彼成此。梵语波罗蜜此翻彼岸到。亦翻度无极也。迷实相而为苦道。迷观照而为烦恼。迷解脱而为结业。是以非此说此。说名生死无极之海。悟苦道即法身。悟烦恼即观照。悟结业即解脱。是以非彼说彼。说名度无极也。复次。前五度对波罗蜜。各有四句料简。般若惟三句。一者非般若非波罗蜜。有为诸福德是。二者是般若非波罗蜜。相似诸智慧是。三者是般若非波罗蜜。此经所显三般若是。更无是波罗蜜非般若句。以五度若非般若不能到彼岸故。以五度若到彼岸咸名为般若故。故但说般若。即为具说六度万行。当知六度万行皆如金刚。离句绝非而非同断灭。如是我说。一时佛在舍卫国祇树给孤独园。与大比丘众千二百五十人俱。

第一义谛无声字

亦无时处主伴等

为利众生转法轮

六种成就而证信

论曰。实相之体。名为第一义谛。非能信非所信。非能闻非所闻。非三世所摄。非方隅所收。非主非伴。非一非多。而能所时处主伴一多。咸依实相而得成就。是故若知第一义谛非种种。而种种无非第一义谛者。则不坏假名而建实相。可与信入此经。即通序而成别矣。

尔时世尊。食时著衣持钵。入舍卫大城乞食。於其城中次第乞已。还至本处。饭食讫。收衣钵。洗足已。敷座而坐。

衣食行坐事即理

一切毗尼皆佛行

一一行中见实相

护念付嘱善应知

论曰。末世甫欲趣向大乘学深般若。便轻忽一切毗尼细行。辄云大道不拘小节。大象不由兔径。岂思如来大圣法中之王。而著衣持钵乞食趺坐等。一一咸同比丘威仪。曾无稍异。故知全事即理。设欲舍坏色三衣而空谈惭愧忍辱之衣。何不并废人间六味而空谈法喜禅悦之

味乎。昔高峰妙禅师室中垂问云。大修行人当遵佛行。因甚不守毗尼。盖一切毗尼。无非佛行。安得名为兔径小节。既是不遵佛行。岂名大修行人。须知即一著衣。便具惭愧忍辱功德之衣。即一饭食。便具禅悦法喜出世之食。即一行乞。便知如来行慈悲行。即一跌坐。便知如来坐法空座。是故一一行门。无非实相。能令根熟菩萨。见诸如来。与其同行。得悟实相。名善护念。令根未熟菩萨。依此法律。正住增长。进趣实相。名善付嘱也。由此得名为发起序。

时长老须菩提。在大众中。即从座起。偏袒右肩。右膝著地。合掌恭敬而白佛言。希有世尊。如来善护念诸菩萨。善付嘱诸菩萨。世尊。善男子善女人。发阿耨多罗三藐三菩提心。云何应住。云何降伏其心。

证实施权善鉴机

护念付嘱故希有

发心应住降伏心

般若相应此应问

论曰。以三义故叹为希有。实相般若难证难入。惟佛穷底。故为希有。已证实智为物施权。权实不二。故为希有。知彼群机有熟未

熟。熟善护念。未熟付嘱。於一切时一切行中。具斯二利。故为希有。阿耨多罗三藐三菩提者。此翻无上正等正觉。乃一切种智之果。发心者。从因趣果之胜心也。入理般若名为住。云何应住。是问住果。云何降伏其心。是问净因。夫无上菩提。虽名为果。体即非果。发无上心。虽名为因。体即非因。非果非因。实相法身。体也。应住是观照不坏。宗也。降伏是解脱断惑用也。故名般若相应问也。

佛言。善哉善哉。须菩提。如汝所说。如来善护念诸菩萨。善付嘱诸菩萨。汝今谛听。当为汝说。善男子。善女人。发阿耨多罗三藐三菩提心。应如是住。如是降伏其心。唯然世尊。愿乐欲闻。

契理契机故善善

闻慧具足谛应思

论曰。自有契理而不契机者。如说大法。小机不堪。自有契机而不契理者。如说世善。不出生死。尽理而言。若非契理。决不契机。以理非权实。能权能实。权实皆理。如甘毒皆药故。若非契机。亦决不契理。以说不当机。便成非量。如药无贵贱。起病者良故。闻慧具

足者。有闻无慧。如有灯无目。不见实相。有慧无闻。如暗室中坐。亦不见实相。诚令谛听。为具足闻慧故。为引起思慧及修慧故。

佛告须菩提。诸菩萨摩訶萨。应如是降伏其心。所有一切众生之类。若卵生。若胎生。若湿生。若化生。若有色。若无色。若有想。若无想。若非有想。非无想。我皆令入无馀涅槃而灭度之。如是灭度无量无数无边众生。实无众生得灭度者。何以故。须菩提。若菩萨有我相人相众生相寿者相。即非菩萨。

广大第一常不倒

四心亦即三回向

如是誓愿善修心

能会一心三般若

论曰。广大心者。亦名无边心。谓所缘境遍。即是横亘四生。竖穷三界。四生为能住。三界为所住。依壳曰卵生。如鱼鸟等。含藏曰胎生。如人畜等。假润曰湿生。如虫蚁等。倏现曰化生。如诸天等。有色者欲色二界。无色者空等四天。於四空中。空处识处名有想。无所有处。连色界外道天。名无想。有顶众生名非有想非无想。第一心